

motione organorum corporeorum illi (nisi intellectum habeant conjunctum, ut in homine) dicantur consistere .

11. Durationem ab existentia, conservationem à creatione re differre, cum multis negat Philosophus noster, quantitatem ab extensione, extensionem à corpore, corpus à spacio realiter diversum esse, cum paucis idem negat. Qui autem hinc voluerit concludere, eum sentire nihil esse durationem, nullam esse conservationem, nullam quantitatem, non dari spatium reale &c. manifestum ipsi & aliis injuriam inferret.

12. Nec homo differt ab animali, nec Petrus ab homine, nisi ratione, genus enim, species & individuum re unum sunt, ut rectè vulgò docetur. At qui inde colligat, non esse Petrum, non dari hominem, næ is pastoritiâ exhibilabitur fistulâ.

EXERCITATIO XLVIII.

De essentia seu natura rei corporeæ in communi.

I. **E**ssentia seu natura alicujus rei vocatur id quod tali rei omni, soli, semper convenit, ita ut nihil eo prius in eadem re percipere possimus. Quod postremum
addo